



SLUŽBENI GLASNIK
OPĆINE VISOKO

GODINA XLVIII

Visoko, 31. decembar 2014. godine

Broj 7

77.

Na osnovu odredaba iz čl. 9. stav (1) i 49. Zakona o komunalnim djelatnostima ("Službene novine Zeničko-dobojskog kantona", broj: 17/08), člana 22. Statuta Općine Visoko ("Službeni glasnik Općine Visoko" br. 1/11 i 8/13), čl. 35. i 37. Odluke o organizaciji i sigurnosti saobraćaja na cestama na području općine Visoko ("Službeni glasnik Općine Visoko", broj 6/2009) i člana 62. Odluke o komunalnom redu ("Službeni glasnik Općine Visoko", broj 3/12), Općinsko vijeće Visoko, na 23.sjednici održanoj 29.12.2014. godine, donosi:

**ODLUKU
O UPRAVLJANJU, ODRŽAVANJU I
NAPLATI PARKING PROSTORA I
JAVNIH GARAŽA**

Član 1.

Ovom Odlukom se Javnom komunalnom preduzeću "Gradska groblja" d.o.o. Visoko -u stečaju dodjeljuje nadležnost za obavljanje komunalne djelatnosti održavanja javnih parking prostora i javnih garaža, kao i organizacija naplate parkiranja na javnim parkiralištima na području općine Visoko.

Član 2.

Nadležno javno komunalno preduzeće iz člana 1. ove Odluke, obavezno je da u roku od trideset dana od dana donošenja ove Odluke, internim pravnim aktima regulira sva bitna pitanja vezana za javna parkirališta, parkirališne zone, rezervirana i povlaštena parkirališna mjesta, opće uslove ugovora o korištenju javnih parkirališta, premještanje ili blokiranje nepropisno zaustavljenih i parkiranih vozila, organizaciju i način naplate parkiranja, parkirališne karte i povlaštene parkirališne karte, nadzor nad parkiranjem vozila, te sankcije za povredu ugovora o korištenju parkirališta.

Član 3.

Nadležno javno komunalno preduzeće iz člana 1. ove Odluke, obavezno je prilikom vođenja poslovnih knjiga analitički posebno voditi rezultate poslovanja za obavljanje djelatnosti utvrđene ovom Odlukom.

Član 4.

Nadležno javno komunalno preduzeće iz člana 1. ove Odluke će obavljati i poslove

premještanja ili blokiranja vozila kojim je izvršena povreda ugovora o korištenju javnih parkirališta ili prekoračenje dozvoljenog maksimalnog trajanja korištenja javnog parkirališta.

Za obavljanje poslova premještanja vozila iz stava 1. ovog člana, nadležno javno komunalno preduzeće mora imati:

- dokaz o izdanom odobrenju za obavljanje djelatnosti (izvod iz sudskog registra sa registracijom djelatnosti kod nadležnog suda),
- u vlasništvu ili u najmu najmanje jedno specijalno vozilo "pauk" s odgovarajućom opremom koje može premjestiti svako vozilo ukupne mase do 2500 kg,
- uredski prostor za prijem stranaka i za čuvarsku službu,
- ograđen i čuvan prostor na području općine na kojem odlaže i čuva premješteno vozilo,
- osposobljene zaposlenike za poslove premještanja vozila,
- potrebnu opremu za izradu foto ili video zapisa utvrđene povrede ugovora o korištenju parkirališta,
- organizirano cjelodnevno dežurstvo za prijem, čuvanje i izdavanje vozila, te
- građanima dostupne telefonske brojeve na kojima se uvijek može provjeriti da li je vozilo premješteno i gdje se ono nalazi.

Član 5.

Nadležno javno komunalno preduzeće iz člana 1. ove Odluke, obavezno je, u skladu s ovom Odlukom, osigurati i posebno označiti najmanje jedno parkirališno mjesto za parkiranje vozila osoba sa invaliditetom u svakoj parkirališnoj zoni.

Osobe sa invaliditetom koje na vozilima imaju istaknut važeći znak oslobođene su plaćanja naknade za korištenje parkirališnog mjesta.

Član 6.

Nadležno javno komunalno preduzeće iz člana 1. ove Odluke, obavezno je pružati usluge predviđene ovom Odlukom uz naknadu koju plaća korisnik javnog parkirališta.

Naknade iz stava 1. ovog člana se sastoje od:

- naknade za korištenje javnog 1,00 parkirališta u I zoni u iznosu od KM/sat
- naknade za korištenje javnog 0,50

- parkirališta u II zoni u iznosu od 10,00 KM/sat
naknade za izdavanje doplatne karte za povredu ugovora o korištenju javnih parkirališta i općih uslova o korištenju javnih parkirališta (neisticanje parkirališne karte na vjetrobranskom staklu vozila, gubitak parkirališne karte, korištenje parkirališne karte koja ne odgovara parkirališnoj zoni, prekoračenje dopuštenog vremena parkiranja za koje je kupljena parkirališna karta) u iznosu od 10,00 KM
- naknade za premještanje specijalnim vozilom "pauk" za vozilo kojim je učinjena povreda ugovora o korištenju javnih parkirališta ili prekoračeno dopušteno vrijeme parkiranja za koje je kupljena parkirališna karta u iznosu od 50,00 KM
- naknade za započeto a neizvršeno premještanje specijalnim vozilom "pauk" za vozilo kojim je učinjena povreda ugovora o korištenju javnih parkirališta ili prekoračeno dopušteno vrijeme parkiranja za koje je kupljena parkirališna karta u iznosu od 25,00 KM
- naknade za deblokadu blokiranog vozila sa odgovarajućom opremom koja se koristi za ovu namjenu ("lisice") za vozilo kojim je učinjena povreda ugovora o korištenju javnog parkirališta ili prekoračeno dopušteno vrijeme parkiranja za koje je kupljena parkirališna karta u iznosu od 20,00 KM
- naknade za osiguranje (čuvanje) premještenih vozila specijalnim vozilom "pauk":
 - * do 10 sati 5,00 KM
 - * od 10 do 24 sata 10,00 KM
 - * preko 24 sata za svaki započeti sat osiguranja (čuvanja) 1,00 KM

Član 7.

Naknada za korištenje javnog parkirališta se plaća svakim danom, izuzev nedjelje i državnih praznika, u vremenu od 07,30 do 16,00 sati.

Član 8.

Određivanje javnih površina za javna parkirališta, podjelu tih površina na opća i posebna (ulična i izvanulična), stalna i privremena, kao i koja se javna parkirališta svrstavaju u koje parkirališne zone, utvrdit će se Programom Općinske načelnice po prijedlogu Službe za urbanizam, stambeno-komunalne poslove i katastar nekretnina, u roku od trideset dana od dana donošenja ove Odluke.

Član 9.

Na vozila agencija za sprovedbu zakona, vozila hitne medicinske pomoći i vatrogasna vozila, bez obzira na to imaju li ugrađene posebne uređaje i oznake ili ne, ali isključivo u slučajevima obavljanja službenih zadataka, prilikom korištenja parkirališnih mjesta na javnim parkiralištima sa naplatom, odredbe ove Odluke se neće primjenjivati.

Član 10.

Ova Odluka stupa na snagu osmog dana od dana objavljivanja u "Službenom glasniku Općine Visoko".

Broj: 01/1-02-491/14
29.12.2014. godine
Visoko

PREDSJEDAVAJUĆA
OPĆINSKOG VIJEĆA VISOKO
Mirela Mateša Bukva